



Obraćanje prvog zamjenika visokog predstavnika/supervizora za Brčko Mennutija u povodu Dana UN-a u Brčkom

Vjerodostojan je izgovoreni tekst

Želio bih zahvaliti gospođi Macdonald i njenim kolegama što su odabrali Brčko kao jednu od centralnih lokacija za obilježavanje ovogodišnjeg Dana Ujedinjenih nacija.

Brčko je zaista poseban grad, mjesto koje služi kao primjer zajedništva i napretka na lokalnom nivou. To je grad sa dugom historijom, a posebno historijom multietničkog suživota.

Svi znamo da je Brčko strašno propatilo u posljednjem ratu.

Ironično, upravo u trenutku kada je BiH primljena u članstvo Ujedinjenih nacija, Brčko je bilo u šoku nakon rušenja Savskog mosta – simbola komunikacije i trgovine – i pogibije desetina civila.

Trideset godina kasnije, stojimo u drugačijem gradu. Nakon teškog perioda obnove, ponovnog povezivanja i zacjeljivanja rana, on je ponovo simbol suživota okrenut ka budućnosti i zajedničkom prosperitetu.

To je rezultat nade i odlučnosti da se kreće ka prevazilaženju sukoba i suradnji, kako je rekla gospođa Macdonald.

Mnogi pozitivni koraci su načinjeni u pravcu ostvarenja održivog razvoja. Vidimo nove energetski-efikasne fasade na javnim zgradama. Naredne godine trebali bi početi radovi na zatvaranju stare deponije, koju će zamijeniti moderno postrojenje za upravljanje otpadom, a reguliranjem vodenih tokova spriječit će se buduće poplave.

Novi zakoni će omogućiti Distriktu da proizvodi vlastitu čistu energiju u budućnosti. Sa moderniziranom lukom i

novim autoputevima, Brčko će postati ekonomsko središte i veza sa tržištem Evropske unije.

Sve je ovo u skladu sa ciljevima održivog razvoja koje je usvojio UN, a omogućeno je mijenjanjem pravca u kojem se Distrikt kretao, počevši sa čišćenjem budžetske potrošnje i procesa usvajanja budžeta, te zauzimanjem čvrstog stava protiv korupcije i nepotizma.

Ima još dosta toga da se uradi. A da bi sve te stvari postale realnost, organi vlasti moraju ostati fokusirani na ispunjavanje rokova i unapređenje efikasnosti administracije.

Zbog svega ovoga, veliko mi je zadovoljstvo danas stajati ovdje i biti u prilici da kažem:

Brčko ima svijetlu budućnost, ako svi ostanete posvećeni i uradite svoj dio za zajedničko dobro!

Hvala vam!